



Pou Piblikasyon Imedya: 08/06/2022

GOUVÈNÈ KATHY HOCHUL

**GOUVÈNÈ HOCHUL ANONSE YON POLITIK SOU NON AK PWONON SUNY
CHWAZI POU KREYE ANVIWÒNMAN KI PLIS OUVÈ AK AKSEPTAB NAN KANPIS
YO**

Non yo chwazi ki pou parèt nan diplòm kolèj yo, pwofil kanpis yo, ak plis ankò

Etidyan SUNY yo kapab chwazi makè 'X' lè yo mande yo pou bay sèks yo

Aplikasyon konplè dwe fèt nan kòmansman semès otòn 2023 a

Gouvènè Kathy Hochul te anonse jodi a Konsèy Administrasyon State University of New York (SUNY) te mande tout 64 kanpis SUNY yo pou yo mete ajou règleman yo konsènan itilizasyon yon non ak pwonon yo chwazi pou asire ke yo konplètman reflete ak reprezante idantite transesyèl, sèks ki pa konfòme ak sèks non-binè etidyan yo nan sistèm kanpis yo. Chanjman istorik sa a se pwochen etap ki fèt nan misyon SUNY pou kreye yon anviwonman ki pi divèrsifye, ekitab ak enklizif pou etidyan yo ki nan kominote LGBTQIA+ la.

"Tout moun, kèlkeswa idantite sèks yo oswa non yo chwazi, merite pou yo gen dokiman idantite ki reflete ki moun yo ye", **Gouvènè Hochul te deklare**. "Chanjman istorik sistèm SUNY sa a se yon viktwa nan batay kontinyèl nou an pou asire ke New York se yon kote ki gen lanmou ak apatenans. Administrasyon mwen an rete angaje l pou l pran mezi ki nesesè pou asire egalite ak respè pou kominote LGBTQIA+ la."

"Nouvo politik non ak pwonon SUNY yo chwazi yo ap deplwaye nan tout 64 kanpis SUNY pral bay tout etidyan aksè ak yon anviwònman edikasyon siperyè akeyan kote yo ka vin tèt yo", **Gouvènè Adjwen Delgado te deklare**. "Lè nou bay tout etidyan SUNY ekite, New York ap pwouve yon lòt fwa ankò ke nou se lidè nasyon an nan sa ki gen pou wè ak politik ki panse pou lavni ki avanse akseptasyon kominote LGBTQIA+ la."

Kanpis yo oblige genyen tout sistèm operasyon yo ki reflete non ak pwonon yon elèv chwazi nan nenpòt ka ki konstan avèk lwa federal kote yon etidyan konfòtab pou pataje enfòmasyon sa yo. Non ak pwonon etidyan chwazi yo pral parèt nan pòtal kanpis la, lis klas yo, adrès imel etidyan yo, ak plis ankò. Avèk [anons](#) resan Gouvènè Hochul ki fè konnen Nouyòkè yo ka chwazi 'X' kòm yon makè pou sèks sou pèmi kondwi yo, etidyan SUNY yo kapab chwazi tou 'X' lè kolèj la mande yo bay sèks yo.

Rektè Pwovizwa SUNY an, Deborah F. Stanley, te deklare, "Yon politik enklizif pou non ak pwonon chwazi non sèlman ede etidyan yo santi yo pi an sekirite sou lakou lekòl la—se yon kesyon respè tou. Sa a se pwochen etap konkrè pou asire transeksyèl, sèks ki pa konfòme, ak etidyan nnon binè SUNY aktyèl ak alavni yo santi yo anbrase ak elve. Pou etidyan ak fanmi sa yo ki wè yon efò san parèy pou retire dwa ak opòtinite LGBTQIA+ nan lòt eta yo, nou vle ou konnen 64 kolèj ak inivèsite Eta New York ak SUNY yo gen entansyon sèlman pou avanse pou pi devan."

Dapre [Campus Pride](#), pèmèt etidyan yo itilize yon non yo chwazi se yon pi bon pratik pou sipòte etidyan transeksyèl ak sèks ki pa konfòme yo. Yon [etid](#) 2018 sou 500 jèn transeksyèl nan kolèj te idantifye pi gwo aksyon etidyan yo te apresye pou kreye yon klima enklizif nan kanpis kòm kapasite pou itilize non yo chwazi nan dosye kanpis la, twalèt ki enkli sèks, ak règleman ki pa diskriminasyon.

An 2015, Konsèy Administrasyon SUNY te fikse yon objektif pou li vin sistèm inivèsite eta ki pi enklizif nan peyi a epi li te adopte yon rezolisyon an 2021 ki egzije kanpis SUNY ke eta dirije yo pou yo deziyen tout twalèt pou yon sèl moun kòm sèks net. Manda non ak pwonon yo chwazi a elaji sou [Plan Divèsite, Ekite, ak Enklizyon 25 Pwen SUNY](#) pou rann kanpis yo pi enklizif pou etidyan yo ki nan kominote majinalize yo.

Alfred University School of Ceramics Elliott Houghtelling (yo) te deklare, "Gen libète pou idantifye nan fason yo vle a enpòtan pou tout moun—espesyalman pou moun transeksyèl ak omoseksyèl yo. Manda sa a se yon etap nesesè pou ankouraje ak pwoteje dwa etidyan omoseksyèl yo genyen idantite yo ak otonomi yo. Moun pa ta dwe gen enkyetid pou yo nonmen ansyen non yo nan yon enstitisyon yo travay di pou ale ladan. Mwen espere ke SUNY kontinye fè lekòl yo yon espas ki pi an sekirite, ki pi enklizif pou moun omoseksyèl yo."

Etidyan Kolèj SUNY Empire State Em Wasserman (yo) te dieklare, "Kòm yon moun ki gen difikilté pou yo santi yo afime ak non legal mwen ak pwonon mwen ki parèt nan tout lòt aspè nan lavi mwen, mwen trè kontan kanpis SUNY yo ap adopte politik ki yon fason pi enklizif. ESC te vrèman koute fidbak nou yo, epi mwen rele sa yon gwo viktwa. Mwen kontan prezante kòm mwen menm san mwen pa bezwen eksplike moun poukisa mwen mande yo sèvi ak non ak pwonon mwen chwazi yo. Travay siplemantè sa a fatigan, danjere, epi mwen te evite li nan anpil domèn nan lavi mwen. Nan lekòl la, mwen ka gen konfyans de moun mwen ye—mwen menm mwen kontan ye a Non mwen ak pwonon mwen yo pa kòmanse santi yo 'fakiltatif' ankò."

Fondatè ak Direktè Egzekitif Campus Pride, Shane Windmeyer, (yo/li) te deklare, "Campus Pride bat bravo pou travay tout sistèm SUNY an nan kreye yon politik pou enkli pwonon ak non yo chwazi yo - epi kòmanse rekonèt totalman tout etidyanki gen ladan transeksyèl, sèks ki pa konfòme, ak idantite non binè yo. Campus Pride Index te devlope pou rezon sa a pou fè defans nan non etidyan LGBTQIA+ yo nan edikasyon siperyè. Nou apresye relasyon k ap kontinye ak 64 kolèj nan sistèm SUNY ak efò

enklizif LGBTQIA+ pa yo. Pa gen pi bon moman pou fè istwa ak ankouraje pi gwo enklizyon pase pandan Mwa Fyète (Pride Month) a."

Enplemantasyon konplè nenpòt IT oswa chanjman operasyonèl ki nesesè pou alinye ak politik non SUNY chwazi yo dwe fèt nan kòmansman semès otòn 2023 a; politik Sèks X la dwe aplike nan fen 2022.

Prezantasyon State University of New York

State University of New York se pi gwo sistèm konplè nan edikasyon siperyè nan Etazini epi plis pase 95 pouzan nan tout Nouyòkè yo ap viv nan yon distans 48 km de nenpòt nan 64 fakilte oswa inivèsite SUNY yo. Nan tout sistèm lan, SUNY genyen kat sant sante akademik, senk lopital, kat fakilte medikal, de fakilte dantè, yon lekòl dwa, sèl inivèsite optometri Eta a, epi li jere yon Laboratwa Nasyonal Depatman Enèji Etazini (US Department of Energy National Laboratory) an. An total, SUNY sèvi anviwon 1.3 milyon etidyan nan kou ak pwogram ki ofri kredi, edikasyon kontini ak pwogram sansibilizasyon kominotè yo. SUNY an siveye prèske yon ka nan rechèch akademik nan New York. Depans pou rechèch yo nan tout sistèm nan te prèske 1.1 milya dola nan ane fiskal 2021 an, ki gen ladan gwo kontribisyon nan men etidyan ak pwofesè yo. Genyen plis pase twa milyon ansyen etidyan SUNY nan monn lan epi youn sou chak twa Nouyòkè ki genyen yon diplòm inivèsitè se yon ansyen etidyan SUNY. Pou jwenn plis enfòmasyon sou fason SUNY kreye opòtinite, vizite <https://www.suny.edu/>.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418